

“E whakatata atu ana, e te Atua, ki a koe.” Ko ana kupu whakamutungu ko enei, “Hei kōnei ra; hei kōnei; ko ta te Atua tenēi; waiho i tana i pai ai.” I te moe te hōa wahine ka mate te tane. U tona ohonga ake ka ui ki te takuta, “Kei te moe te Perehitana?” Ka whakahokia atu e te takuta, “Ae, ko te moe e kore nei he ohonga.” Ka tangi ka karanga, “E te Atua kia aroha ki a au,” katali ia ka haere ki te awahi i tana hōa tane he awlhunga whakamutungu.

Te Nehunga.

I te whakaaturanga a te takuta ki nga mema o te Paremete kua mate to ratou perehitana ka tangi aurere ano he tamariki. I ara tonu te tangata i te po i nga tari nūpepa, utari ai ki nga rongo kōtero o Makiniri. I te taenga mai o te waea kua mate to ratou rangatira ka tangi tonu i nga tiriti, ko etahi i tūpehu ka rapu utu ratou i nga anakihī. I haere te mao ki te whare-hererehe ki te to i a Kohorokoho ki waho ka patu ai, oira kihai i taea i te nui rawa o nga hoia o nga pirihimana. I tangi nga wahi katoa o te ao, i patu waea ki Amerika, i tuku nga kara ki te taenga tauā. Kotahi wīki i taua ai te whare kīngi o Ingarangi. I kauwhau nga mimita i nga wahi katoa mo te pat o Makiniri, mo te kino hoki e noho toropuku nei i roto i te tangata.

I te matenga o Makiniri i Pawharoo ka mauria tona tinana ki te whare hui kia kite ai te iwi nui; tokowaru nga hoia na ratou i kauhōa te tupapaku me te whakatangitangi ana nga peene i te hinene pirangi a te Perehitana, “E whakatata atu ana, e te Atua, ki a koe.” E 80,000 nga tangata i tiitiro ki tona mata. I reira ano a Kamara Ruhiwhera (Roosevelt), te perehitana hou. I waiatitia te hinene a Perehitana Makiniri i nga whare karakia o Amerika; tangi ana te tangata. I hauria mai te tupapaku i Pawharoo ki Wahingitana, ki te taone o te Kawamatanga. Ka tae mai te tereina he taone ka tangi nga pere, ka whakamūne te tangata ki te tiitiro nei atu ki te kawhena o to ratou perehitana. I tetahi teihana i wharikiatia te huarahi o te tereina ki te putiputi e te kotiro.

No te 19 o Hēpetema ka tanumia ki Kene-tana, i hui ai nga tangata rangatira kua a. I tu katoa nga tereina i te haora i nehua ai a Makiniri. I tangi nga pere i nga wahi katoa hei tohu aroha ki a Wiremu Makiniri, te Perehitana o Amerika. I puta ano te kupu kia tae te Tiuka raua ko tana hōa ki te nehunga, oira i te tupato kei kohurutia kihai i haere.

Ki te ki a te waea ka nui te taumaha o Mibi Makiniri, a tera pea e whai i muri i tona rangatira.

Hei te 28 o tenei marama whakamatea ai a Kohorokoho, ma te hiko e whakamate. Kei te tonu te iwi kia nehua ia ki te moana, kei takoto tawa i to ratou whenua.

NGA MAHI A NGA TOHUNGA.

KUA mau ki te whare-hererehe mo te tau kotahi tetahi tangata i Heretaunga, ko Tokomauri te ingoa, mo te mahi tohunga. I mea ia mehemea ki te utua ia kia 37 nga 7 hereni ka ora te tamaiti a tetahi wahine i a ia; i te kore moni a te papa ka utua kia £2 10s., oira kaore te tamaiti i ora, mo te tukuanga ki te wai i mate ai. No te haerenga o te papa o te tamaiti ka korero te tohunga ki te kōka o te tamaiti me whakaae ia kia mahia hoki ka: kahore te wahine ra i te mohio he mate ano tona, oira kei te tohunga e mohio ana. He mea tohe ka whakaae ka mahia ia e te tohunga. No te taenga ki te wai ka whakatakotoia e te tohunga ra e tonu nga kohutu ki tūnga i te wahine ra, ka tohe kua moe raua a raua iho taua wahine. He tamaiti a Tokomauri na te Piwa, tetahi o nga tino tohunga e mahi nei i te Maori. No te tangata tonu ano ia te he ki te whakarongo atu ki te tūhuinga, a raua iho. I mea a Tiati Eruera ka riri te tūre me nga tohunga Maori.

HE TUPAPAKU NO NGAPUHI.

HE Tupapaku Rangatira nui mo Ngapuhī ki Hokianga, ko Hohua E. Patuone te ingoa, i mate i a Hēpetema 12 o nga ra; i whanau i te tau 1825, ko ona tau e 70s. Ko ana mataa ko Eru Patuone ko Te Waaka Nene, nga kai awahina i te Iwi Pakeha i nga raruraru o mua, a he kai awahina hoki i te Whakapono i te wa tuatahi i tae mai ai te Karipitune ki tenei motu ara ki Mangungu i te takiwa o Hokianga. Ko tenei kaumatua ko Hohua Patuone he kai awahina i te tangata Maori, pakeha hoki. Haere atu e te kai awahina i te tangata, ki o tipuna ki o matua ki te iwi i te po.

Na to hōa i roto i te Rongo Pai.

Hapeta Makiri.

Ko Te Waaka Nene, ko te papa-keke o Hohua Patuone, tetahi o nga kaumatua rongo-utu atu o te Iwi Maori, tetahi hoki o nga rangatira tino pū-poro ki te Kūmi, nana i awahina te Kawamatanga o nga ra o te pakanga, ERITA.